





兒易內儀以卷之五

明上虞倪元璐著

夬 三三三

夬揚于王庭。孚號有厲。告自邑。不利即戎。利有攸往。

○初九、壯于前趾。往不勝為咎。○九二、惕號。莫夜有戎。勿恤。○九三、壯于頄。有凶。君子夬夬。獨行遇雨。若濡。有愠。无咎。○九四、臀无膚。其行次且。牽羊悔亡。聞言不信。○九五、苋陸夬夬。中行无咎。○上六、无號。終言不信。○九五、苋陸夬夬。中行无咎。○上六、无號。終

易內儀以卷之五

有凶

象曰澤上有天夫君子以施祿及下居德則忌

儀曰君子以施祿及下居德則忌者何夫居德

猶言自以為功也自以為功則必自用自用必

自聖自聖必以其下為不足與謀不使見能祿

亦不及之取周公知之攬爻而作曰嗟乎君人

者豈有能自用為功者乎自用則必無功故曰

壯于前趾往不勝為咎非不勇往而無如不勝

何矣故曰惕號莫夜有戒勿恤非無教令惕且

號之而無如莽戎夜興而下莫之憂何矣故曰

壯于頄有凶君子夬夬獨行遇雨若濡有愠无

咎雖震怒決殺以明獨攬而無如其承濡召愠

無所歸咎何矣故曰臀无膚其行次且牽羊悔

亾聞言不信雖欲安坐聽之不則前往拯之不

則牽引其類與共圖之而無如臀傷而不可處

足循而不良行衰如克耳而牽之不得前何矣

故曰竟陸夫夫中行无咎。雖欲中立自處無過而無如羣邪之叢起何矣。故曰无號終有凶。雖將伯助予而無如庭虛無人終亦必亾何矣。周公之爲此言者蓋言居德不可也。仲尼知之曰如此莫如恃下恃下莫如施祿。觀于象曰揚于王庭則知明揚側陋詔祿舉賢不曰獨行无號也。曰孚號有號必孚不曰聞言不信也。曰有厲告自邑急而告下必有應者不曰惕號有戎勿

恤也。曰不利即戎利有攸往不藉武健而行无不利不曰壯趾爲咎壯頰有凶无膚次且也。施祿之義大矣哉。

姤三三

姤女壯勿用取女。○初六繫于金柅貞吉有攸往見凶羸豕孚蹢躅。○九二包有魚无咎不利賓。○九三臀无膚其行次且厲无大咎。○九四包无魚起凶。○九五以杞包瓜含章有隕自天。○上九姤其角吝无

見易內義以

象曰、天下有風姤、后以施命誥四方。

儀曰施命誥四方者何昔者先生當艱難有事之會脩其文告以布和釋疑于天下稱之曰誥誥所以施命及遠也詩曰訏謨定命遠猶辰告凡先王誥民而民從者其道有四夙孚一也驟激二也中懼三也外和四也夙孚者在姤初曰繫于金柅上下之情維繫攀結有若金柅貞固

和吉然後可以往而令民故曰貞吉有攸往頑梗見凶理無豨突故曰羸豕孚蹢躅蓋其戢也甘誓作而有扈誅大誥頒而武庚定其固然也驟激者在姤二曰包有魚詩曰魚躍于淵包義激衆民用鼓躍此我之福非敵之利故曰不利賓也牧野一誓維予侯與周王商亾不利商也中懼者在姤三曰臀无膚其行次且國之大事欲止不能欲行可畏其心危慄作誥喻民以

幸无過故曰厲无大咎也。盤庚河患居則曰民其盡劉遷則曰民之弗率三誥之作也由懼生也。外和者在姤五曰以杞包瓜杞剛以擬至尊瓜柔以方民賤杞之包瓜猶上畜下折威輔光使四方聞者以為德音仁聲自天而降故曰舍章有隕自天也。湯誥曰罪當朕躬弗敢自赦成王誥曰越予冲人不叩自恤皆為引謙自向歸敬于民也。此四者施命誥四方之義備矣。若夫

女而壯

西之无魚有魚之反也不能動眾適足起凶上之姤角一曲之守也不能及遠安能免吝幽王傳烽四告而无應者東周教令不能出其畿甸百里之外當是之時豈有命誥乎命誥者聖人之所以布陽遏陰也故取諸姤姤初陰日昌為女而壯天下有事民柔而悍此不可以勢取惟宜誠信訓諭之象曰女壯勿用取女標梅迨其謂之之義也

可去

萃三三

萃亨。王假有廟。利見大人。亨。利貞。用大牲吉。利有攸  
 往。○初六。有孚不終。乃亂乃萃。若號。一握為笑。勿恤。  
 往。无咎。○六二。引吉。无咎。孚乃利用禴。○六三。萃如  
 嗟如。无攸利。往。无咎。小吝。○九四。大吉。无咎。○九五。  
 萃有位。无咎。匪孚。元永貞。悔凶。○上六。齋咨涕洟。无  
 咎。

象曰：澤上于地，萃。君子以除戎器，戒不虞。

儀曰：除戎器，戒不虞者，此易再言兵也。易之言  
 兵者，必精微。光大歸于文德。初曰：有孚不終，乃  
 亂。乃萃。若號。一握為笑。勿恤。往。无咎者，此言安  
 治之形。苟信恃之，必不保終。至于亂見，求萃號  
 無及矣。必也克詰先事，則勝氣在握。而號者以  
 笑。往。无憂。咎也。二曰：引吉。无咎。孚乃利用禴者，  
 此言兵凶而引之歸吉。卒無禍。咎者，由于早戒。  
 信能為之，必受福也。三曰：萃如嗟如。无攸利。往



故心七書

可方亦不

許強執者

借為端為矣

也

元咎小吝者備器曰萃戒慎曰嗟兵不求利惟  
 喜无害當其深念却顧亦若有靳然也四曰大  
 言无咎者此言既除既戒進必得志退可无患  
 然而攻守之事易所不言故但陳其應不著其  
 謀也五曰萃有位无咎匪孚元永貞悔亡者易  
 蓋曰兵者仁義之衛也謀不亂于應敵則可以  
 萃聚百爾內治補過誠非信兵為可恃而欲以  
 教戰者止殺使元善之德貞于永久如是則知

兵部  
 仁義  
 而宋  
 義  
 仁

聖人言兵

兵亦善氣而非毒

咎者易蓋曰佳兵不祥也

哀懼明非耀威黷武而為之

夫聖人之治兵如此是其事即禮樂之事雖日

詰五兵月咨九伐而猶之乎俎豆冠裳之會饗

燕往來之文故曰王假有廟利見大人亨利貞  
 用大牲吉利有攸往文王曰聖人以除戎器戒  
 不虞而有此也聖人之除戎器戒不虞其即在

說  
 兵  
 先生  
 臨  
 至  
 兵  
 諸  
 廣

此也

升三三

升元亨。用見大人。勿恤。南征吉。○初六、允升大吉。○九二、孚乃利用禴。无咎。○九三、升虛邑。○六四、王用享于岐山。吉无咎。○六五、貞吉升階。○上六、冥升。利于不息之貞。

象曰：地中生木，升。君子以順德積小以高大。

儀曰：君子以順德積小以高大者，以其積漸而

然不為逆施。故曰：順也。初曰：允升大吉者，此升必自下上信能致升，則必由亨致吉，由小致大。德之至順，是故其升之序可得而言也。二曰：孚乃利用禴。禴者家祭，是為德升于家矣。三曰：升虛邑。邑虛無人，入焉無阻，是為進之德升于國矣。四曰：王用享于岐山。天子得祭天下山川，是又進之德升于天下矣。五曰：貞吉升階。階者天三階也。天不可階，升而太乙乘躡，若有階，然。

又進之德升于天矣。上曰冥升。利于不息之貞。升至于天。高矣大矣。無可復加。惟有不息。以其神行無跡。故曰冥升。升之極矣。彖曰元亨。用見大人。勿恤。南征吉。自其始通。詣極前進。不已。曰趨休嘉。何憂之有乎。

困 三三

困亨貞。大人吉。无咎。有言不信。初六。臀困于株木。入于幽谷。三歲不覿。九二。困于酒食。朱紱方來。利

用享祀。征凶。无咎。六三。困于石。據于蒺藜。入于其宮。不見其妻。凶。九四。來徐徐。困于金車。吝。有終。九五。劓刖。困于赤紱。乃徐有說。利用祭祀。上六。困于葛藟。于臲卼。曰動悔。有悔。征吉。象曰澤无水困。君子以致命遂志。

儀曰不曰澤下有水曰澤无水猶之不曰澤下有木曰澤滅木也。兌金制木為滅之。蓋故曰大過。澤上水下不相交和。是澤枯無水。故曰困。困

快論確

能憂小人不能憂君子君子於義不得死者天  
下不能死君子君子以為不得死者人以為  
困君子以為無憾故曰以致命遂志也昔者文  
王亦致命也拘幽之操曰臣罪當誅其意以為  
志得不怨也是得困之初六曰臀困于株木入  
于幽谷三歲不覿昔者龍逢比干之徒亦皆致  
命也龍逢比干以為食人之祿擔人之爵非不  
知佞神禱祠可以獲福惡其非義往諫而死亦

為志遂雖凶無過也是得困之九二曰困于酒  
食朱紱方來利用亨祀征凶无咎昔者箕子亦  
致命也箕子乘剛罹禍為奴拘囚商其淪喪國  
亾家覆而其言曰我不顧行遁亦謂吾遂吾志  
也是得困之六三曰困于石據于蒺藜入于其  
宮不見其妻凶昔者召忽荀息亦皆致命也召  
忽荀息從容殉忠不違其志雖至仇未復其中  
愍然而臣節已終斯為遂也是得困之九四曰

來徐徐困于金車各有終昔者鬻拳亦致命也  
鬻拳自咎行權則以為戮其情安而樂為之以  
是告無罪于堯王也是得困之九五曰劓刑困  
于赤紱乃徐有說利用祭祀昔者屈原亦致命  
也屈原棄于荒野心煩意亂不知所從卒于沉  
隕志畢而道光也是得困之上六曰困于葛藟  
于臲卼曰動悔有悔征吉是故致命者凶遘也  
遂志者吉稱也以其吉稱綜于凶遘故凡爻之

此謂大人而已矣

曰吉曰利曰无咎者皆言乎殉義而困者也文  
王取所身經著之于易是故系困以亨要亨于  
正以其凶危為大人得志之事而曰吉无咎既而  
曰天下莫不樂生而惡死也以凶為吉將必有  
不信其言者乎

井 三三

不龍也  
字十四卦撰格于考萬古必

井改邑不改井无喪无得往來井汔至亦未繙井  
羸其瓶凶○初九井泥不食舊井无禽○九三井谷

見易內義以 卷五

射鮒甕敝漏○九三井渫不食為我心惻可用汲王  
明並受其福○六四井甃无咎○九五井冽寒泉食  
○上六井收勿幕有孚元吉

象曰木上有水井君子以勞民勸相

儀曰勞讀如字民勸相者何也凡君子之勞民  
皆以養民也君子不能徧養民使民相勸自為  
養耳故井所以養也井泥不食舊井无禽如此  
始將廢養法宜浚泥更新勞吾民也井谷射鮒

不可以食甕敝漏不可以汲如此亦將廢養法  
宜驅鮒理甕又勞吾民也若夫井渫可食矣而  
民不敢食我心惻然憐之此由其君未嘗推以  
予民詔民食也苟詔民曰可用汲即無不得汲  
而食其福者是則王之明也由是則其民皆自  
相勸以共謀養井甃效脩又何咎也由是則井  
冽泉清不待詔民食民自食之也由是則井收  
勿幕惠養無方上下相孚大成元吉悅以勞民

民忘其勞也。由此而言，雖有廉民，不能廢養。雖有悖民，無敢辭勞。勞出于養，民皆知勸。王者有易世，無易民。民有易主，無易業。改邑不改井者，言百王同道，未有不務養民者也。无喪无得，往來井井者，言民皆安然相勸于養，而不知勞也。汔至亦未繙井，羸其瓶凶者，言民不習汲也。民不習汲，是不可勞民，不可勞由無勸相之者也。

革 三三

革，己日乃孚。元亨利貞，悔凶。○初九，鞶用黃牛之革。○六二，已日乃革之，征吉，无咎。○九三，征凶，貞厲，革言三就，有孚。○九四，悔亡，有孚，改命吉。○九五，大人虎變，未占有孚。○上六，君子豹變，小人革面，征凶，居貞吉。

象曰：澤中有火，革。君子以治曆明時。

儀曰：治曆明時，何取乎革也？昔儒以革於序，四十九為合大衍，仲尼以為觀於象象之詞，非治

一篇治

曆以時

大文章

從一筆劫

看透

先生自叙

作古也

曆不可當之。蓋其言之察也。初曰鞏用黃牛之  
 革。此言歲統也。三統以寅為正。周孔皆尊夏時。  
 故鼎春則必革。冬鼎寅則必革。丑丑于屬牛也。  
 詩曰：雖有牽牛，不以服箱。牛宿星紀主丑。丑土  
 也。土于色黃。故曰黃牛。革猶言除。盡冬而歲除  
 也。鞏程云：包束一歲之功于此。包括結束之也。  
 二曰：已日乃革之。此言候日也。曆法至日凡陰  
 陽往來，馴積而變。如冬至日行最急，則必漸返。

遲夏至日行最舒，則必漸返。急因所已然，測其  
 來氣，循此進而求之，必無差忒。故曰：征吉无咎。  
 也。三曰：征凶貞厲。革言三就有孚者，此言歲差  
 也。以日之度追乎天度，天有常數，日積餘分不  
 能無差。以生進退日度，歲差一於進則四時易  
 位，所以征而曰凶也。一於退其所差亦如之。所  
 以貞而曰厲也。巧曆治之，或益或損，思精法密，  
 所操之說三變，乃成。于是可以信而行之也。四



曰悔凶有孚改命者此言更制也既已致精於心無憾於理有徵革故著新以成正曆天下由之百世所尚故吉也五曰大人虎變未占有孚者此言敬授也定統于寅故曰虎變荀九家艮為虎艮位乎寅也曰大人者以其事大正吉布典告民常候不待占驗莫不信其必然也上曰君子豹變者此言置閏也禮君車羔幣虎植大夫鹿幣豹植又儀禮王大射共虎侯諸侯豹侯

周禮禽作六贄天子之狐虎皮公之狐豹皮公侯大夫君之亞豹虎之亞猶其閏也又大人者聖人也君子聖人之亞亦猶其閏也舉杪冬首春以攝四時舉歲首一閏以攝十一閏小人革面者言宜民也君子治曆以精其義小人受之以共其事非必幽通貌守而已故曰革面悖之者誅從之者順故曰征凶居貞吉也是故四聖人精神為曆者也孔子受曆于文周公受曆于

象彖曰已日乃孚者已猶言故也苟求其故千  
歲之日至可坐致不疑也一歲四時一卦四德  
曰元亨利貞者言備時也曰悔亡者言無遺曆  
也

鼎 三三

鼎元吉亨。○初六鼎顛趾利出否得妾以其子无咎  
○九二鼎有實我仇有疾不我能即吉。○九三鼎耳  
革其行塞雉膏不食方雨虧悔終吉。○九四鼎折足

覆公餗其形渥凶。○六五鼎黃耳金鉉利貞。○上九  
鼎玉鉉大吉无不利。

象曰木上有火鼎君子以正位凝命

儀曰正位凝命者由聞得正由浮造疑此為諸  
侯匹夫崛起在位者言之湯武以後王者之事  
也初曰鼎顛趾利出否得妾以其子无咎英雄  
始事寧無蹶失夏臺幾危孟津不進亦顛也然  
天下終利賴之以出否啓泰以其位臣僕也

其德作民父母國不聽命其君家不聽命其妻  
天子不能以其民而諸侯匹夫以其民妻不能  
以其子而妾以其子天人所歸何咎之有也二  
曰鼎有實我仇有疾不我能即吉者勛譽日隆  
歸附日衆勢克德滿如鼎饜殪而在彼獨夫禍  
深力竭不能就我頡之頡之彼之曰凶我以爲  
吉也三曰鼎耳革其行塞雉膏不食方雨虧悔  
終吉者此當革命之初位正而命未即凝者有

此解可云  
介卦作如  
漫鼎看云  
奇按周

之也鼎耳之革其命維新而以時方肇造政教  
未洽雖令之行猶有阻化者雖以美祿享賢猶  
有不受者雖澤下于民猶有未周遺愠者要以  
風氣既開治理漸出始雖未遑終歸大備也四  
曰鼎折足覆公餗其形渥凶者此言繼世之難  
也四繼三猶鼎再世也湯武而後凡再世必有  
憂桐宮東山其徵也後此漢以牝晨晉以庶孽  
唐以蹠血宋以斧聲大命幾傾刑誅四出是爲

見易內義以 卷五

覆餗刑劓也。五曰鼎黃耳。金鉉利貞者，初造之  
 後，繼以多艱，前歟未溼，後功加厲耳。金故黃鉉，  
 又益金底，堅致疑，建于不拔，有貞固之利也。上  
 曰鼎玉鉉，大吉，无不利者，太平之象也。其政惇  
 大，其世豐亨，王之温如此，金為盛在周成康在  
 漢文景道和民樂，永命延世，故曰大吉，无不利  
 也。正疑為言義兼數世，命本於天，位副其德，象  
 曰元吉亨者，猶云首出庶物，萬國咸寧爾。

震 三三

震亨。震來虩虩，笑言啞啞。震驚百里，不喪匕鬯。初  
 九，震來虩虩，笑言啞啞。吉。六二，震來厲，億喪貝，躋  
 于九陵，勿逐，七日得。六三，震蘇蘇，震行无眚。九  
 四，震遂泥。六五，震往來厲，億无喪，有事。上六，震  
 索索，視矍矍，征凶。震不于其躬，于其隣，无咎。婚媾有  
 言。

象曰：洊雷震，君子以恐懼脩省。

啞言如喜  
心自如笑  
實到神  
如試如  
驗而思  
子

儀曰君子以恐懼脩省者于何見之初曰震來  
虩虩笑言啞啞虩虩狀乎恐懼者也啞啞者非  
為喜也心自非笑以為徒懼何濟不如脩省故  
曰後有則其懼可賀其笑可法也二曰震來厲  
億喪貝躋于九陵勿逐七日得喪貝至億喪之  
多也躋陵極九躋之危也多喪極危急而知懼  
以逐無益退省吾身七日來復是其天心也三  
曰震蘇蘇震行无咎震而幾絕善救則蘇脩省

之情是為生氣故曰蘇蘇震无咎者存乎悔福  
且將至而何灾矣四曰震遂泥泥可陷也不可  
沒也濟則必迷沒已無救適當泥中懼窮而省  
出也又子夏曰致遠恐泥當脩省時磐桓躋躓  
亦其象也五曰震往來厲億无喪有事凶事往  
來至于盈億何懼之多乎幸而不至于喪賴其  
有事脩省也上曰震索索視矍矍征凶索矍者  
恐懼之容也何以救之其躬之不違將助于隣

見易內儀以 卷五

後如身

而可乎或已不自知而以爲无咎其婚媾之親  
 我者能無責我而有言乎脩省至此恐懼已極  
 矣故曰震爲雷子迅雷必變月令先雷三日以  
 水鐸令兆民戒其容止故動人修省之謀者莫  
 疾乎雷矣因震生懼因懼立則君子觀雷之德  
 自治爲功由是飲食可安禮樂逾盛故彖曰震  
 亨震來虩虩笑言啞啞震驚百里不喪七鬯天  
 下皆不知雷霆之爲功于姐豆也

艮



艮其背不獲其身行其庭不見其人无咎○初九艮  
 其趾无咎利永貞○六二艮其腓不拯其隨其心不  
 快○九三艮其限列其夤厲薰心○六四艮其身无  
 咎○六五艮其輔言有序悔亡○上九敦艮吉  
 象曰兼山艮君子以思不出其位  
 儀曰思不出其位位者就身所處指身而位見  
 初曰艮其趾无咎利永貞當位在趾思亦止趾

夫趾惡其錯也。一錯則不可救。思之思之。費乎其寡過而不易方者也。二曰良其腓。不拯其隨。我心不快。腓隨股動。聽命為役。位在乎腓。宜思救之。使腓自制。是曰拯隨。不拯隨。心不快者。明乎隨拯而思止也。三曰良其限。列其夤。厲薰心。位腰腓。則思腰腓。腰腓中列。而逼乎心。憂懼焦灼。及心而止。爾他何問也。四曰良其身。无咎。位通一身。即思周一身。所求乎身者。惟无過為盡。

服膺斯

言隨遇

系身咎

矣

才是聖

賢以向

貴苟為趨吉求譽。君子以為願外而不敢也。五曰良其輔。言有序。悔亾言之成章。輔之美也。位在輔而思守之。幸無與戎之悔。則亦已也。上曰敦艮吉。聖人以為不出位云者。非謂省思致約也。欲人求窮盡之耳。道理職業百萃當前。并思于此。則其情固所以厚止之力。惇德而造功也。是故不出位。有二義焉。限乎此不出也。極乎此亦不出也。思不出其位之為說也。又在于象之

五

曰良其背不獲其身行其庭不見其人方其見背即不知有身其身行庭即不知有人專壹之至也人苟使之思背忽及于身使之自思忽及于人思何由而睿作聖哉

漸三三

漸女歸吉利貞○初六鴻漸于陸小子厲有言无咎○六二鴻漸于磐飲食衎衎吉○九三鴻漸于陸夫征不復婦孕不育凶利禦寇○六四鴻漸于木或得

九

其棟无咎○九五鴻漸于陸婦三歲不孕終莫之勝吉○上九鴻漸于陸其羽可用為儀吉

象曰山上有木漸君子以居賢德善俗

儀曰居賢德善俗此為君子在野者言之魯論記鄉黨之義也不居賢德不可以善俗賢德者賢人之德察乎君子之居賢德者有五觀焉羣之以觀其不亂飽之以觀其不素駭之以觀其不懼材之以觀其不廢躋之以觀其不墮羣之以觀其不懼材之以觀其不廢躋之以觀其不墮羣之



撰詞是  
其頁易  
林

觀其不亂者說在于初六之鴻漸于干小子厲  
有言无咎也水涯易濡小人易暱不惡而嚴讒  
言勿恤斷斷其要無失也飽之觀其不  
素者說在于六二之鴻漸于磐飲食衍衍吉也  
擇石取安擇義取飽飲食不滯稼穡維寶必洋  
簧翻亦可以老二也駭之觀其不懼者說在于  
九三之鴻漸于陸夫征不復婦孕不育凶利禦  
寇也水陸易處夫婦叢孽龍戰于野鶴鳴于垤

變生不驚寇來自滅也材之觀其不廢者說

在于六四之鴻漸于木或得其桷无咎也林棲

叢材工師所度或得之者以榱以桷物倚其能

世尊其學四也躋之觀其不墮者說在于九五

之鴻漸于陵婦三歲不孕終莫之勝吉也不飛

能升高尊無佞身德胞功方胎未乳秉正自強

莫或敢侮五也居此五者德之至備以斯善俗

固不難矣所謂善俗者說在于上九之鴻漸于

一羣渡  
記名

達其羽可用為儀吉也。竦身天衢，下視儕俗，有蔚苞文，以興羣矚。化鄙成都，玉帛相屬。當此之時，眾薰其德，而為善良者，不既多乎？鴻不亂行，漸無遽色，與鄉人處，貴乎恂恂也。故曰：女歸吉，利貞。河洲居德，桃夭善家，貞女賢人，道一而已。

歸妹三三

歸妹，征凶，无攸利。○初九，歸妹以娣，跛能履，征吉。○九二，眇能視，利幽人之貞。○六三，歸妹以須，反歸以

媿。○九四，歸妹愆期，遲歸有時。○六五，帝乙歸妹，其

君之妹，不如其娣之袂良。月幾望，吉。○上六，女承筐

无實，士刲羊无血，无攸利。

象曰：澤上有雷，歸妹。君子以永終知敝。

儀曰：永終知敝者，人知其一，莫知他也。凡人始

見醜，不能知其終美；始見善，不能知其終惡。君

子不倍，始見要終，而知之，故有始不見美，要終

而知其無敝者，有始不見惡，要終而知其必敝。

者○今○夫○求○妹○得○娣○跛○僅○能○履○既○賤○而○醜○然○而○宜  
 人○富○家○日○趨○和○吉○不○要○其○終○何○由○知○之○也○求○美  
 得○眇○雖○視○不○明○然○而○幽○貞○秉○潔○家○用○以○利○其○初  
 不○知○至○終○而○知○之○也○印○須○者○妹○而○歸○以○娣○歸○非  
 所○須○為○垂○其○願○然○安○知○畜○妾○不○吉○其○終○得○妾○不  
 以○其○子○也○標○梅○束○楚○興○歎○愆○期○烏○知○乎○十○年○乃  
 字○得○其○士○夫○其○後○以○為○得○時○也○以○娣○之○賤○承○帝  
 姬○之○尊○位○分○已○懸○聲○華○不○敵○然○而○袂○良○月○望○吉

乃○歸○之○以○為○不○如○觀○乎○其○終○愈○知○不○如○也○是○故

無○鹽○強○顏○貴○母○一○國○德○操○椎○髻○幽○襄○灞○陵○孤○逐

愆○嫁○卒○為○顯○妻○薄○呂○易○袂○移○饗○高○廟○始○不○必○休

終○不○必○做○也○若○夫○維○士○與○女○齊○秀○之○稱○也○承○筐

闕○門○割○羊○奠○吉○非○有○車○賄○以○謀○布○絲○彼○都○人○士

謂○之○天○合○豈○期○女○耽○難○說○士○貳○無○良○傾○筐○喪○羊

此○儻○啜○泣○其○終○之○做○則○如○此○乎○君○子○知○之○敬○慎

謀○始○其○在○文○王○之○意○以○為○妹○者○少○妹○柔○曼○為○容

婦以色升豈有幸乎深山大澤必生龍蛇一言  
蔽之曰征凶无攸利安知不有不凶者而文王  
惟曰凶无利猶夫安知不有不傲者而仲尼惟  
曰知微也

兒易內儀以卷之六

明上虞倪元璐著

豐 三三

豐亨王假之勿憂宜日中○初九遇其配主雖旬无  
咎往有尚○六二豐其蔀日中見斗往得疑疾有孚  
發若吉○九三豐其沛日中見沫折其右肱无咎○  
九四豐其蔀日中見斗遇其夷主吉○六五來章有  
慶譽吉○上六豐其屋蔀其家闐其戸聞其无入三

歲不覲凶。

象曰、雷電皆至豐君子以折獄致刑。

儀曰折獄歸明致刑取斷斷必倚明猶雷資電  
 察析疏周曲之曰折也故曰遇其配主雖旬无  
 咎往有尚威得明配雖片言弊獄挾旬致誅不  
 咎其速惟功其敏也故曰豐其蔀日中見斗往  
 得疑疾有孚發若吉幽蔽難通心疑為病必取  
 簡孚如覆斯發斯為吉也故曰豐其沛日中見

沫折其右肱无咎障昏已甚審克為能敬慎刑  
 書致詳閱實折肱猶言腕脫胥占再三慎之至  
 也故曰豐其蔀日中見斗遇其夷主吉不得其  
 情此為疑獄罪疑惟輕以平為主也故曰來章  
 有慶譽吉蔽去章來猶書曰惟明克允以此得  
 慶猶書曰屬于五極咸中有慶以此得譽猶書  
 曰哲人惟刑無疆之辭是能化凶事為吉者也  
 故曰豐其屋蔀其家闢其戶闐其无入三歲不

解卓越也

旅三三

觀凶乘暗決殺昏蔽泯焚虐威窮戮靡有子遺  
沉寃不辜昭揭無日亦孔之哀是為凶也當世  
闇昧毒民如此文王曰若夫時昌道亨有王者  
作民又何憂乎以其大明為照如日中天哀敬  
明清宜用折獄故曰亨王假之勿憂宜日中誠  
日之中何虞斗沫君子祥刑雷不如電電不如  
日也

旅小亨旅貞吉○初六旅瑣瑣斯其所取災○六二  
旅即次懷其資得童僕貞○九三旅焚其次喪其童  
僕貞厲○九四旅于處得其資斧我心不快○六五  
射雉一矢凶終以譽命○上九鳥焚其巢旅人先笑  
後號咷喪牛于易凶  
象曰山上有火旅君子以明慎用刑而不留獄  
儀曰明慎用刑不留獄者得情曰明求詳曰慎  
言以是道權民罪有無輕重比附其屬貴以決

速無滯如旅寄然初曰旅瑣瑣斯其所取灾此  
 言罪小而刑輕其過瑣瑣取灾亦如之也二曰  
 旅即次懷其資得童僕貞此言無罪解網還其  
 固然居猶其居財猶其財人猶其人也三曰旅  
 焚其次喪其童僕貞厲此言以重罪蒙厲刑毀  
 室取子法正而事凶也四曰旅于處得其資斧  
 我心不快此書言金作贖刑者也曰于處者且  
 止踟躕也疑赦罰緩鈞金取資然聖人以為非

其本意故心不快也五曰射雉一矢亡終以譽  
 命此言賢者蒙辜而得雪也詩曰雉罹于羅射  
 雉矢亡雉得脫矣罰不及善天人歸助令問休  
 命宜有終也上曰鳥焚其巢旅人先笑後號咷  
 喪牛于易凶此言大罪服上刑也焚巢之象如  
 曰豬宮喪牛之凶抑云釁鼓大命莫救號咷慘  
 哀凶之甚也凡此六者赦罰懲戮不一其等察  
 麗觀中是為明慎蔽之曰旅即知不留取象于

矢。矢躍捷急也。彖曰旅小亨旅貞吉。此言旅之宜獄也。蓋曰使獄如旅。庶幾小通。又曰使獄如旅。雖執之固。而入猶以為吉。此其詞哀意亦文。王戒心。美里而泣。然言之乎。

巽三三

巽小亨。利有攸往。利見大人。○初六。進退。利武人。○貞。○九二。巽在牀下。用史巫。紛若吉。○九三。頻巽吝。○六四。悔亡。田獲三品。○九五。貞吉。悔亡。无不利。无

初有終。先庚三日。後庚三日。吉。○上九。巽在牀下。喪其資斧。凶。

象曰：隨風巽，君子以申命行事。

儀曰：申命行事者，命以明民。申而致詳，事以圖功。行而致決，其在初六。曰：進退利。武人之貞。進

退。是為申之。非不果也。請盡而斷。隨之盤

一。庸。懦。之。庚。三。詰。決。于。必。遷。英。武。之。資。巽。以。行。貞。也。其。在

夫。身。切。此。九。二。曰。巽。在。牀。下。用。史。巫。紛。若。吉。亢。詞。威。民。莫

是。想。嘗。以。



了不大有

出而困天  
不易可與  
斷但所以  
用其無者  
有妙於用  
者者

之能聽。巽牀卑謙以極其說。如曰小子無良曰  
幼孫爽德。于是乎再詰三詰。再誓三誓。紛若巫  
史。卒用耆功。故吉无咎也。其在三曰頻巽吝。詩  
曰。如匪行邁謀。是用不得於道。文告曰。出而政  
事。無聞有巽。無斷斯為吝也。其在四曰悔亡。田  
獲三品。此為慮定後言。故先之曰悔亡。事之不  
厭繁稱者。有如田獵所獲。列品惟三。義取分犁。  
能無申命。幸其致審。于是乎祭祀饗燕之禮行。

焉。以田槩凡者。田為軍禮。事大也。其在五曰貞  
吉。悔亡。无不利。无初有終。先庚三日。後庚三日。  
此言其所命民者。道必審。正謀必趨。吉措而行  
之。必其无悔。有利初艱。終濟者也。先庚三日。言  
申命也。後庚三日。言行事也。周謀于先。告成于  
後。無不吉也。其在上九曰。巽在牀下。喪其資斧。  
貞凶。二將施命。巽牀鳴謙。上徒巽牀。命不得出。  
即為選縮。失資絀用。弃斧廢功。象曰。正乎凶言。

理當取凶。不為怪也。由此觀之。隨風之義。其挹已也。小其及物也。亨順以執言。健而決事。知柔知剛。通志成務。龍德正辭。其惟聖人乎。象曰：小亨利有攸往。利見大人。

兌三三

兌亨利貞。○初九和兌吉。○九二孚知吉悔凶。○六三來兌凶。○九四商兌未寧。○九五孚于剝有厲。○上六引兌。

象曰：麗澤兌。君子以朋友講習。

儀曰：朋友講習。講習者論說習者。循持與我共聖賢之道者。其朋友乎。初曰：和兌吉。和猶言無戾。無戾道亦無戾。友如是則諛淫不作。丁嚶可求。故歸吉焉。詩曰：兄弟既翕。和樂且耽。此言非和。不足為悅也。二曰：孚兌吉。悔凶。不信道不能悅。道不信。友何悅乎。友信而悅之。可與久處。道亦可與久處。友講習之功。于是日益。故吉而悔凶。

詩曰言笑晏晏信誓旦旦此言相悅之情必責  
信者也三曰來兌凶道之來就我者道之疑也  
友之來悅我者友之損也如此則廢學喪朋故  
占曰凶詩曰終風且暴顧我則笑終風且霾惠  
然肯來此言悅非誠悅來亦不終來也四曰商  
兌未寧介疾有喜擇道取精執道取固初告必  
疑三復必喜講習之事也詩曰悠哉悠哉輾轉  
反側窈窕淑女鐘鼓樂之此言勤思以告不寧

得朋而志喜也五曰孚于剝有厲信其害道者  
為道信其害我者為友雖藏修息游皆為危事  
也詩曰君子信盜亂是用暴盜言孔其亂是用  
餒此言信其剝我者甘而說之則敗德喪功為  
有禍亂也上曰引兌者為功于講習微益于友  
朋則德引日新業引日富生惡可已為悅之成  
詩曰自今以始歲其有君子有穀詒孫子千胥  
樂兮此言以傳道延善為悅者也故曰麗澤兌

君子以朋友講習。昔者文王功其四友著于象。曰兌亨利貞。何言乎亨利貞也。亨者嘉會也。蓋言朋友也。利者暢發也。蓋言講也。貞者恒久也。蓋言習也。

### 渙 三三

渙亨王假有廟。利涉大川。利貞。○初六。用拯馬壯。吉。○九二。渙奔其机。悔亡。○六三。渙其躬。无悔。○六四。渙其羣。元吉。渙有丘。匪夷所思。○九五。渙汗其大號。

渙五。居无咎。○上九。渙其血。去逖。出无咎。

象曰。風行水上。渙。先王以享于帝。立廟。

○儀曰。詳渙。一卦知周功德之備也。享于帝。立廟者。昔者先王。推讓禪受。則以郊廟為始。事舜典。

正月上日。受終文祖。即以其月。肆類禋望。而其

後。乃漸興禮樂。刑賞之事。是也。征誅鼎革。則以

郊廟為終事。武成。治定。武偃文興。乃始以

其後。四月。祀于周廟。柴望。大告。是也。周公陳文。

# 奇

## 讀

### 眼就擇懷

### 征誅者

### 郊廟

如終事

如終事

卷六

奇

公身於下  
下即為身  
公身於下  
公身於下  
公身於下

子盡其身  
道為身  
於曰身  
先當受  
此身自天  
千載不  
想身之

不言享祀仲尼觀乎象詞紀揚功德不與武成  
之言恍然以為盡文所稱殆臻垂拱于是則可  
以享帝立廟矣何以言之也蓋初曰用拯馬壯  
吉此言興師救亂我武維揚猶曰祇承上帝以  
遏亂畧一戎衣天下大定也二曰渙奔其机悔  
此言机為格拒所以制攻渙而奔之威行無敵猶  
曰受率其旅若林罔有敵于我師前途倒戈也  
三曰渙其躬无悔此言公其身于天下為天下

共主猶曰大邦畏其力小邦懷其德華夷蠻貊  
罔不率俾也四曰渙其羣元吉渙有丘此言渙  
國小羣為天下大羣猶曰惟其士女篚厥玄黃  
用附我大邑周又曰列爵惟五分土惟三也曰  
匪夷所思此言無思不服猶曰萬姓悅服也五  
曰渙汗其大號此言發號施令猶曰大告武成  
曰渙王居无咎此言非富天下猶曰散鹿臺之  
財發鉅橋之粟大賚于四海也上曰渙其血去

卷六

真能及  
前人  
所  
未發  
先生故  
一  
代大儒

逃○出○无○咎○此○言○天○下○大○順○止○殺○銷○兵○釋○憂○遠○害  
猶○曰○偃○武○脩○文○歸○馬○華○山○之○陽○放○牛○桃○林○之○野  
也○功○德○既○昭○禮○樂○乃○作○事○天○報○祖○典○禮○行○焉○是  
故○仲○尼○之○曰○享○帝○立○廟○者○蓋○得○周○公○之○意○于○所  
不○言○然○而○周○公○亦○猶○本○文○王○之○言○以○立○其○意○文  
王○曰○渙○亨○王○假○有○廟○仲○尼○之○說○也○亦○猶○曰○祀○于  
周○廟○邦○甸○侯○衛○駿○奔○走○執○豆○遵○也○曰○利○涉○大○川  
亦○猶○曰○告○于○皇○天○后○土○所○過○名○山○大○川○也○曰○利

貞○貞○正○也○亦○猶○曰○有○道○曾○孫○周○王○發○將○有○大○正  
于○商○也○周○公○引○端○仲○尼○竟○委○文○王○非○必○前○知○揣  
量○彼○已○想○當○然○爾

節 三三

節○亨○若○節○不○可○貞○初○九○不○出○戶○庭○无○咎○九○二○不  
出○門○庭○凶○六○三○不○節○若○則○嗟○若○无○咎○六○四○安○節  
亨○九○五○其○節○吉○往○有○尚○上○六○若○節○貞○凶○悔○凶○  
象○曰○澤○上○有○水○節○君○子○以○制○數○度○議○德○行

儀曰制數度議德行者何權物莫如數度程道  
 莫如德行數度設則天下不能欺以羸縮德行  
 立則不能以其羸縮欺天下以其數度言之其  
 制亦猶樹表于庭以及門戶誓曰進此跬步退  
 此跬步皆有誅也所以初方處潛既惟不出戶  
 庭為无過咎二漸趨躍又以不出門庭為有凶  
 危陋巷曰賢投淵為固歸賢疾固仲尼無定辭  
 故使顏子立春秋之數禹稷執唐虞之度分庭

取跡分卦取占出入吉凶謹於銖黍是故數  
 者所以紀量治忽損益禹顏參經伍權以應其  
 節一節不應數度俱失出疑壯趾入懼金柅戶  
 門之牽學人所歎也故曰不節若則嗟若節有  
 兼詞分綜器道綜乎器則歸數度綜乎道則歸  
 德行歸數度則生計算之言歸德行則興名志  
 之論所以苞中為德託表曰行德白于行猶氣  
 赤於顏要於立義著稱蔽言於節也故有道正

卷六

析理極心之

氣完不由矜奮此曰安節為體元德聖人之行也○有志舉神出有所慕嗜此曰甘節為得利德傑者之行也○有情尊徑異務乎非當此曰苦節為近貞德時士之行也○三者異量君子議之亨○悔吉凶辨乎其際矣○聖人以為安則化險故曰亨○其自擇為之則亦不可悔也○故曰悔凶○苦節之凶非為蹈福節立禍隨安其之行亦有之矣○惟

以行精確

以其情過矜離跋務為難尚○以亢中行此自以○德豈可貞乎○苦節不可貞○文王之議德行也要○必約情準道約道準中不失程量以為其功言○乎德行數度存焉爾

中孚三三

中孚豚魚吉利涉大川○利貞○初九虞吉○有他不燕○九二鳴鶴在陰○其子和之○我有好爵○吾與爾靡之○六三得敵○或鼓或罷○或泣或歌○六四月幾望○馬



匹凶○九五有孚攣如○无咎○上九翰音登于天○貞凶○

象曰澤上有風中孚君子以議獄緩死

一議字皆由

得求純切於

此爻中生

出於許波瀾

仁心與文

儀曰議獄緩死○非肆赦也○罪無原理○惟希小延○

此由仁人曲念○求端設法而為之○故曰議也○何○

以議之度乎國有吉禮則不舉刑此可緩也○故○

其爻曰虞吉○或有其他饑饉灾眚不寧不令亦○

不舉刑故其爻曰有他不燕○或其有子蓋愆又○

心  
先生  
千古矣

或子訟親冤號哀可念亦將緩之○故其爻曰鳴○

鶴在陰其子和之○又或以其先承重職比于議○

貴羈縻不即死禮也○故其爻曰我有好爵吾與○

爾縻之○又或以軍興克敵急兵緩刑法行且止○

囚悲俄喜者有之○故其爻曰得敵或鼓或罷或○

泣或謔又或以其罪雖罔赦而惡未貫盈即緩○

致誅不為失法也○故其爻曰月幾望又或以兩○

造之獄其仇已凶莫為難者○亦可得緩也○故其○

執法者當  
全厲字

爻曰馬匹亡窮乎七者多方之議也由其心誠  
求之曲延囚繫是乃仁術寧有愆乎故其爻曰  
有孚攣如无咎聖人以為民命非細雖甚蠢微  
當其怖死呼號聲聞極天雖法之正猶以為厲  
也故其爻曰翰音登于天貞凶雞曰翰音此為  
家畜分供刀俎豚魚亦然人何必不戒雞與豚  
魚特小緩之一日生機亦為嘉福文王固嘗議  
之故其辭曰亨豚魚吉於凶求吉在險得夷利

薄誠孚不傷其正者也故其辭曰利法大川利  
貞

小過 三三

小過亨利貞可小事不可大事飛鳥遺之音不宜上  
宜下大吉○初六飛鳥以凶○六二過其祖遇其妣  
不及其君遇其臣无咎○九三弗過防之從或戕之  
凶○九四无咎弗遇遇之往厲必戒勿用永貞○六  
五密雲不雨自我西郊公弋取彼在穴○上六弗遇

過之飛鳥離之凶是謂灾膏

象曰山下有雷小過君子以行過乎恭喪過乎哀用過乎儉

儀曰道有不可過亦有與其不及寧小過者行過乎恭喪過乎哀用過乎儉是也行過乎恭何取取諸初九飛鳥以凶又取諸六二過其祖遇其妣不及其君遇其臣无咎又取諸九三弗過防之從或戕之凶又取諸九四无咎弗過遇之

往厲必戒勿用永貞喪過乎哀何取取諸六五

密雲不雨自我西郊公弋取彼在穴用過乎儉

何取取諸上六弗遇過之飛鳥離之凶是謂灾

膏夫飛鳥慄疾猶人矜忽戾天取凶不如循墻

為恭也詩曰駝彼飛隼載飛載揚念彼不蹟載

起載行此之謂也家莫尊于祖國莫尊于君不

順于其祖必求遇乎其妣以謝不得于其君必

求遇乎其臣以請周曲多方冀免咎戾詩曰既

此過乎恭  
足恭者不  
足信者  
矢

右烈考亦右文母又曰悉率左右以燕天子此  
之謂也末流多禍富棘為權无妄之灾防之寧  
過莫之防則戕之者至矣詩曰哀我填寡宜岸  
宜獄握粟出卜自何能穀此之謂也其曰无咎  
自恃无過也其曰弗過遇之弗肯深計待物也  
如此往必有凶能勿戒乎永貞剛德也猶憂忡  
物而不敢用之故以為恭之過詩曰不敢暴虎  
不敢憑河人知其一莫知其他此之謂也四者

皆行之過乎恭也若夫密雲聚陰西郊悲暮人  
亾在穴欲弋取之望死者生其情孔哀詩曰臨  
其穴惴惴其慄如可贖兮人百其身此之謂也  
是為喪過乎哀也曰弗遇者猶曰我辰安在曰  
過之者猶曰昊天太憮灾青之至若降自天故  
曰飛鳥離凶灾青者歲凶也禮歲大禘詔殺邦  
用天子素服無樂食不兼味臺榭不塗廷道不  
除百官布而不列鬼神禱而不祀省約之至詩

記易切義以 卷六

此篇  
中之一  
局軸

打集  
棧

曰○辟○羊○羴○首○三星在鬻人○可以食○鮮○可以飽○此  
之○謂○也○是○為○用○過○乎○儉○也○周○公○陳○爻○之○意○如○此  
何○所○取○之○取○諸○彖○曰○小○過○亨○利○貞○可○小○事○不○可  
大○事○飛○鳥○遺○之○音○不○宜○上○宜○下○大○吉○此○言○雖○過  
而○通○賴○其○道○正○明○乎○其○非○諂○交○滅○性○出○納○之○吝  
過○小○不○大○如○鳥○小○音○遺○下○不○上○也○鳥○音○亦○有○過  
關○關○敬○應○恭○也○磬○磬○急○呼○哀○也○噍○噍○茶○租○儉○也  
以○恭○哀○儉○為○過○過○不○必○無○君○子○以○其○小○過○為○其

大美故曰大吉也

既濟 三三

既濟亨小利貞初吉終亂○初九曳其輪濡其尾○无  
咎○六二婦喪其茀勿逐七日得○九三高宗伐鬼  
方三年克之小人勿用○六四繻有衣袽終日戒○  
九五東隣殺牛不如西隣之禴祭實受其福○上六  
濡其首厲○  
象曰水在火上既濟君子以思患而豫防之

儀曰思患豫防者人狃形見救已然狃形見則  
不思救已然曰禦不曰防也患由思出防以豫  
名孔子讀詩於鴟鴞歎周公之善防傳易於既  
濟發周公之知患牖戶衣袵惟周公尊思貴豫  
也蓋初曰曳其輪濡其尾无咎當輪繫柅未形  
濡患思初不量必當有濡急起曳之猶濡其尾  
以濡未深故幸无咎苟不曳輪濡不止尾也二  
曰婦喪其茀勿逐七日得茀之未喪患在喪茀

勿逐內正  
方思患  
如此者  
永學會  
思患矣

茀之既喪患在逐茀思逐必益喪公羊補牢勿  
逐謀救以七日之力謹微守內非必還喪七日  
以往更不喪茀是即爲得于前茀晚于後茀豫  
也三曰高宗伐鬼方三年克之小人勿用鬼方  
著患也小人幽患也鬼方往患也小人來患也  
克敵勿喜長亂宜思是故高宗慎思也恭默思  
道即得良彌恭默思患自勿用小人終高宗之  
世無有小人者豫防小人也四曰濡有衣襦終

易  
初義以  
卷六

日戒。繻，繒采也。春秋紀履，繻字帛，則知繻是帛也。如泉，緼衣，袷猶曰緼袍，有繻于是有衣，因以納袷設或無繻，何由有衣，袷于何附，如此寒患總至，能不深思。終日戒者，桑蚕織績，以窮歲之力。豫，三冬之計也。五曰東隣殺牛，不如西隣之禴祭，實受其福。惟牛，侈饗言志得也。薄物致虔，言謹約也。侈饗有患，虔祀得福，故曰禍生于得意，福生于謹約。訟後飲食祭先于福，東隣不思。

西隣能豫也。上曰濡其首，厲勢極于上，濡極于首，反是不思，防之何及，是則其智不如初也。不曳得濡，不防之尾，以及于首，不豫必困，宜其厲也。是故濟之曰既者，危詞也。以亨之，小易禍之大，必在此矣。利貞者，貴乎謹思固防也。初吉終亂，甚既于未之詞也。甚既于未，何也？未有豫，既無豫也。

讀此安山不為空石中人

未濟三三

未濟亨。小狐汔濟，濡其尾，无攸利。○初六，濡其首，吝。  
○九二，曳其輪，貞吉。○六三，未濟征，凶，利涉大川。○  
九四，貞吉，悔亡。震用伐鬼方，三年有賞于大國。○六  
五，貞吉，无悔。君子之光，有孚，吉。○上九，有孚于飲酒，  
无咎。濡其首，有孚，失是。

象曰：火在水上，未濟。君子以慎辨物居方。  
儀曰：慎辨物居方者，言為物立辨，不亂其居也。  
未濟終事，聖人以此明爻材而序卦位，以上應

乾乾之于未濟，首尾也。未濟曰辨物居方，猶乾  
曰自強不息，自強不息，循次而上，故始于潛，進  
則見，又進則惕，又進則躍，淵又進則在天，天極  
悔亢終于无首，辨物居方，畫界而處，故始于濡，  
進則曳，又進則涉，又進則伐國，又進則光，孚光  
極歡飲，終于濡首，今夫初也者，始見端者也，其  
為物也，處卑仰上，為尾，其方下濕，為濡於人性  
為吝，二漸通物，其物利用，志遠為輪，其方隅僻



牽拘多慎。為曳於人。為貞於世事。為吉。三世所倚。其為物也。果敢好進。為征。為涉。其方四達。為天川。其於人事。為兼凶利。四圖大履盛。其物正而喜樂。威而美達。於人事。為貞吉。為悔凶。於治國。為勝兵。為慶賞。其方廣麗。為大國。其應為鬼方。五位乎中。其物嚴岸。備乎律順。於人。為君子。為貞人。為吉士。其方顯白。為光。為无悔。上時已過。其物處尊至極。為首。其方曠閒。人多無事。相

聚為娛。為飲酒。謹者得孚。蕩者得濡。是故未濟之為物。甚辨而其方不易也。比。義求之。濡由潛水。比。潛淵。輪不免曳。比。見不離田。涉險。比。終日惕。震。用撻伐。比。躍淵。君子之光。比。飛龍。大人失孚。比。亢悔。濡首。比。元首。故曰。乾未濟。首尾也。乾由地之下。以至於天。未濟由未有濟。以至於濟。自未濟推而前之。極于乾之上。為首。自乾引而後之。極于未濟之初。為尾。故乾用言首。未初曰

尾乾首歸无則不見首未尾歸濡則不見尾六  
十四卦如環無端是故乾龍而未濟狐也天獸  
之大莫如龍地獸之小莫如狐龍在天忌見首  
狐陟冰忌濟尾龍見首則定為龍狐濟尾則定  
為狐龍不能為狐狐不能為龍皆非易之德也  
故曰小狐汔濟濡其尾无攸利未濟而濡尾未  
成尾不必不為首汔濟而濡尾已成尾終于尾  
而已又何利乎是故辨狐之物而居未濟之方

宜于爻初為尾不宜于成卦為濟狐尾宜濡而  
濟不宜濟而濡也



